



Inatsisartut Siulittaasoqarfiat
Maani

Sulinngiffeqarnissamut qinnuteqaat

29-09-2014
Sags nr. 2014-104504
Dok. nr. 1711738

Inatsisartut Kukkunersuineranut Ataatsimiititaliaata Naalakkersuisuni naatsorsuutiniq allattuisarneq il.il. kukkunersuisut misissuinissaat kalerriutigisimavaa.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Namminersorlutik Oqartussanut akiligassarimasakka pillugit misissuinerup taassuma aallartinneqarsimanera pissutigalugu, eqqortuusorivara Inatsisartut eqqissillutik sulinissaannut nangaassuteqanngivillunga kukkunersuinerissamut suleqataanissara erseqqissassallugu.

Tamanna tunngavigalugu Inatsisartut inussiarnersumik Naalakkersuisunut Siulittaasutut kiisalu Inatsisartuni ilaasortatut Inatsisartut inatsisaat nr. 26 18. november 2010-meersoq, § 24, imm. 1 e.c. naapertorlugu Inatsisartut Kukkunersuineranut Ataatsimiititaliaata isumaliutissiisummik tunniussinissaata tungaanut sulinngiffeqarnissara qinnutigaara.

Inatsisartut qinnuteqaatiga ilassilluassappassuk, Naalakkersuisut Siulittaasuata tullia, Peqqissutsimut Attaveqarnermullu Naalakkersuisoq paaseqatigalugu, ilisimatitsissutigisinnaavara, Pinngortitamut Avatangiisinullu Naalakkersuisoq, Kim Kielsen, sulinngiffeqarnerma nalaani maannakkut akisussaaffigisami saniatigut Naalakkersuisut Siulittaasuattut atorfik isumagissagaa.

Isumaqaarpunga, Inatsisartut inatsisaanni nr. 26-mi 18. november 2010-meersumi, § 22, imm. 3 naapertorlugu Inatsisartunut Naalakkersuisunik nutaanik inissitsitertoqarnissaanut pissutissaqanngitsoq.

Inussiarnersumik inuulluaqqusillunga


Aleqa Hammond